



Broj: 02-11-2137-4/25

Fojnica: 18.11.2025. godine

Na osnovu člana 64. stav (1) tačka a) i člana 70. stav (1), (2) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi sa preporukom Komisije za provođenje postupka javne nabavke, broj: 02-11-2137-3/25 od 17.11.2025. godine, Općinski načelnik donosi

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke, broj: 02-11-2137-3/25 od 17.11.2025. godine, te se ugovor o javnoj nabavci robe „Agregat za alternativno napajanje električnom energijom zgrade Općine Fojnica“ (dizel električni agregat sa radovima montaže, puštanjem u rad i obukom na rukovanju i održavanju agregata), po provedenom otvorenom postupku za dostavljanje ponuda dodjeljuje „Energoinvest - Sue“ d.d. Sarajevo, čija ponuda broj: 870-ES/25 od 03.11.2025. godine je ocijenjena kao ekonomski najpovoljnijom.

Član 2.

Ugovor sa ponuđačem „Energoinvest - Sue“ d.d. Sarajevo zaključuje se pod sljedećim uslovima:

- Ukupna cijena 67.000,00 KM bez uračunatog PDV-a, odnosno 78.390,00 KM sa uračunatim PDV-om.
- Rok isporuke je 2 (dva) kalendarska dana od dana potpisivanja Ugovora.

Član 3.

Prijedlog Ugovora o nabavci dostavit će se na potpis izabranom ponuđaču iz člana 1. ove Odluke u skladu sa odredbama Zakona o javnim nabavkama Bosne i Hercegovine.

Član 4.

Ova Odluka bit će objavljena na web-stranici Općine Fojnica, istovremeno s upućivanjem iste svim ponuđačima koji su učestvovali u postupku predmetne javne nabavke, shodno Zakonu o javnim nabavkama BiH.

Obrazloženje

Dana 24.10.2025. godine na portalu javnih nabavki Bosne i Hercegovine je objavljeno Obavještenje o nabavci robe „Agregat za alternativno napajanje električnom energijom zgrade Općine Fojnica“ (dizel električni agregat sa radovima montaže, puštanjem u rad i obukom na rukovanju i održavanju agregata), broj obavještenja 546-1-1-54-3-48/25.

Predmetna nabavka je predviđena planom nabavki Općine Fojnica za 2025. godinu, robe, redni broj 3.19, a procijenjena vrijednost je 70.000,00 KM, bez PDV-a. Kriterij za dodjelu Ugovor je „ekonomski najpovoljnija ponuda“ shodno utvrđenim podkriterijima: cijena -70 bodova i rok isporuke -30 bodova.

Javno otvaranje blagovremeno pristiglih ponuda je izvršeno 13.11.2025. godine s početkom u 15,30 sati te je u Zapisniku sa otvaranja ponuda konstatovano da su ponude dostavili sljedeći ponuđači sa ukupno ponuđenim cijenama ponude, kao i rokom isporuke, kako slijedi:

Broj koverte	Naziv/ime ponuđača	Ukupna cijena ponude bez PDV-a	Rok isporuke
1.	„Energoinvest - Sue“ d.d. Sarajevo	67.000,00	2 (dva) dana
2.	„Nexen“ d.o.o. Banja Luka	54.200,00	20 (dvadeset) dana

Komisija za provođenje postupaka javne nabavke je utvrdila da nije bilo neblagovremenih ponuda, javnom otvaranju ponuda nije prisustvovao niti jedan predstavnik ponuđača koji su dostavili ponude, a zapisnik sa otvaranja ponuda je blagovremeno dostavljen ponuđačima putem e-maila.

Komisija za provođenje postupaka javne nabavke je izvršila provjeru kompletnosti i ispravnosti ponuda nakon čega je utvrdila da su ponuđači dostavili dokumentaciju koja je zahtijevana u postupku javne nabavke, te da ne postoje razlozi za odbacivanje bilo koje od zaprimljenih ponuda po ovom osnovu.

U daljem postupku je shodno članu 17. Uputstva za pripremu modela tenderske dokumentacije i ponuda („Službeni glasnik BiH“, broj 90/14) izvršena provjera računske ispravnost dostavljenih ponuda, te je tom prilikom konstatovano da su oba ponuđača pravilno izvršila računanje cijena, te da u tom smislu ne postoje nedostaci koji bi podrazumijevali postavljanje zahtjeva za korekciju cijena datih u ponudama.

Tenderskom dokumentacijom utvrđena je formula po kojoj će se vršiti bodovanje ponuda, kako slijedi:

1. Cijena

Maksimalan broj bodova (70) će se dodijeliti ponuđaču koji je predložio najnižu cijenu bez uračunatog PDV-a. Drugi kandidati/ponuđači će u skladu sa tim dobiti manji broj bodova, prema slijedećoj formuli:

$$C = \frac{C_l}{C_t} \times (70)$$

Pri čemu je :

C- broj bodova koji je ponuđač dobio za ponuđenu cijenu

C_l- najniža cijena koja je ponuđena u postupku nabavke

C_t- cijena koja je predložena u ponudi koja je predmet ocjene

(70) – maksimalan broj bodova koji je dodijeljen ponuđaču koji je ponudio najnižu cijenu

2. Rok isporuke

Maksimalan broj bodova (30) će se dodijeliti ponuđaču koji je ponudio najkraći rok za isporuku.

Drugi će kandidati/ponuđači u skladu sa tim dobiti manji broj bodova, prema slijedećoj formuli:

$$R = \frac{R_n}{R_o} \times (30)$$

Pri čemu je :

R - broj bodova koji je ponuđač dobio za ponuđeni rok isporuke robe

R_n - najniži rok isporuke robe koji je ponuđen u postupku nabavke

R_o - rok isporuke robe koji je predložen u ponudi koja je predmet ocjene

(30) – maksimalan broj bodova koji je dodijeljen ponuđaču koji je ponudio najkraći rok isporuke robe.

Maksimalan broj bodova za jednu ponudu je 100.

Ukupan broj bodova se utvrđuje na osnovu formule $U = C + R$, pri čemu je „U“ – ukupan broj bodova, „C“ broj bodova koji je ponuđač dobio za ponuđenu cijenu, „R“ - broj bodova koji je ponuđač dobio za ponuđeni rok isporuke robe.

U skladu sa članom 65. stav (2) točka d) Zakona o javnim nabavkama Bosne i Hercegovine, kao i naprijed opisanom formulom bodovanja ponuda utvrđenoj tenderskom dokumentacijom, Komisija je provela postupak dodjele bodova po kriterijima za ocjenu ponuda, shodno metodologiji utvrđenoj u tenderskoj dokumentaciji, kako slijedi:

R B	PONUĐAČ	Najniža ponude- na cijena bez PDV-a	Cijena koja je predlož- na u ponudi bez PDV- a	BODOVI ZA CIJENU	Naj- kraći rok ispo- ruke - dana	Rok isporuke koji je predlo- žen u ponudi	BODOVI ZA ROK ISPORU- KE	UKU- PNI BODO- VI
		Cl	Ct	$C=(Cl:Ct) \times 70$	Rn	Ro	$R=(Rn:Ro) \times 30$	$U=C+R$
1	„Energoinvest - Sue“ d.d. Sarajevo	54.200,00	67.000,00	56,63	2 dana	2 dana	30	86,63
2	„Nexen“ d.o.o Banja Luka	54.200,00	54.200,00	70	2 dana	20 dana	3	73

Slijedom bodovanja ponuda prikazanog u gornjoj tabeli, utvrđena je konačna rang lista ocijenjenih ponuda:

Rang	Ponudāč	Podkriterij „cijena“ /učešće 70%		Podkriterij „rok isporuke“/učešće 30%		Ukupan broj bodova
		Ukupna cijena sa popustom	Broj bodova	Rok isporuke - dana	Broj bodova	
1	„Energoinvest - Sue“ d.d. Sarajevo	67.000,00	56,63	2	30	86,63
2	„Nexen“ d.o.o Banja Luka	54.200,00	70	20	3	73

Imajući u vidu sve naprijed navedeno Komisija je konstatovala da je u skladu sa kriterijem „ekonomi najpovoljnija ponuda“, najpovoljniju ponudu dostavio ponudāč „Energoinvest - Sue“ d.d. Sarajevo, te je Općinskom načelniku dala preporuku, broj: 02-11-2137-3/25 od 17.11.2025. godine, da u ime Ugovornog organa donese odluku kojom će ugovor dodijeliti navedenom ponudāču. Nakon razmatranja dostavljene preporuke Općinski načelnik nije našao razloge, nepravilnosti, niti propuste koji bi eventualno predstavljali osnov za ne prihvatanje preporuke Komisije za provođenje postupka javne nabavke, te je odlučio kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Ugovornog organa u pisanoj formi najkasnije u roku od 10 dana od prijema ove Odluke. Naknada za žalbu je propisana članom 108. Zakona o javnim nabavkama BiH.

Dostavljeno:

1. „Energoinvest - Sue“ d.d. Sarajevo
2. „Nexen“ d.o.o Banja Luka
3. Evidencija
4. A/a

OPĆINSKI NAČELNIK
Sabahudin Klisura, dipl. ing.

